

第十四册

卷十六

奏疏下

新修長蘆鹽法志

長蘆鹽法志卷十六

奏疏下



乾隆元年九月直隸總督李衛疏稱長蘆引鹽遵照部頒法馬築包每引計重三百觔嗣於雍正十二年間經前任鹽臣鄂禮議定河南行銷之鹽沿路折耗每引連包皮加秤十五觔直隸各屬行銷之鹽每引連包皮加耗十觔成案俱在詎有天津鎮標中軍遊擊科升途遇商人李純一船運交河縣引鹽一千包自場築運過關業經鹽臣三保公同運司分司等掣放給水程驗單載明引鹽數目該遊擊

長蘆鹽法志 卷一  
縱令把總高智節次攔阻。忽放忽留。勒押船戶逐包起卸。堆積河岸。甚屬違例苦累。又用民間行使之秤。隨意秤兌。指為浮多。即將人船扣留。迨經鹽臣三保會令分司孟周行賚帶部法。會同秤驗。並無溢額。而該遊擊把總復以市秤混行較量。爭執輕重。以致船戶守候多日。明繫有意怙過滋擾。所有阻撓鹽法之遊擊科升。把總高智。相應據實題參。請

旨。敕部嚴加議處。再查科升由旗員初授外任。且天津鎮濱海喫要。中軍繫全標首領。其一切營伍地方事宜。均未諳練。性

愛飲酒。人地原不相當。但在軍前稍著微勞。雖查鹽指留。尚無勒賄情弊。可否於議處之後。念其年力壯健。改調旗員當差效力。伏乞

皇上欽定。經部議將遊擊科升。把總高智。照律降三級調用。奉旨。依議。

乾隆三年三月。長蘆鹽政準泰疏稱。長蘆各場竈地。因年歲久遠。圖冊無存。難以遵守。於雍正三年間。經前鹽臣莽鵠立題。請委員率同州縣分司場員。文明照依民地之例。造具魚鱗圖冊。送部查核等因。經九卿議覆。準行。隨轉行遵

照緣各場地畝俱繫民竈錯集。春夏秋三時青苗在地。俱難查丈。其委勘各官多有因公出境等事。而利民等六場。繼又裁併州縣管轄。是以丈量實需時日。屢經前任各鹽臣節次咨部展限。嗣因迷失竈地糧銀有應否歸於民佃項下徵收之部議。而各州縣場遂誤以竈戶將地典賣與民無力回贖。現在民人耕種納糧者為民佃竈地。即議將迷失無地竈糧攤入徵收。臣於上年莅任後。細查山東迷失糧銀。雖以攤入民佃項下徵收。但民佃竈地。山東繫另款徵收。載入奏冊。長蘆無此款項。未可將迷失地糧。援照

攤徵。隨飭長蘆運司妥議去後。今據該司蔣林詳稱。興國等十場。滄州等十四州縣。竈場灘地。俱已丈清。造具圖冊。并將每畝應徵銀數。暨迷失竈地項畝。并錢糧數目。在於圖冊內逐一註明。至迷失地糧。東省繫攤入另款徵收之民佃竈地項下徵收。今直屬既無民佃另款名糧。難同一例攤徵。所有查出興國、富國、滄州、南皮、寧津、交河、東光、樂陵、嚴鎮、海豐等州縣場。共迷失竈地一百三十四頃七十九畝零。共徵銀一百三兩九錢七分九釐零。豐財場奉圈沖沒竈地四十頃四十二畝三分四釐零。應徵銀一十一

長蘆鹽法志 卷十六  
兩一錢八釐零。實繫竈戶包賠。又東光縣嚴鎮場共多丈  
出地三十一頃一十二畝八分六釐零。共應徵銀三十五  
兩七錢零。除將嚴鎮場丈出之地糧抵補該場迷失。并缺  
迷地畝糧銀五兩七錢五分六釐零外。實應徵銀二十九  
兩九錢四分四釐零。於先經丈出時。即議以丙辰年起科。  
應俟部覆到日。飭令將乾隆元二兩年銀兩。照數徵解。至  
各州縣場迷失地糧銀一百三兩九錢七分九釐零。內將  
嚴鎮場多丈出地糧抵補銀五兩七錢五分六釐零外。實  
在迷失無著竈地糧銀共九十八兩二錢二分三釐零。并

奉圈冲沒無著地糧一十一兩一錢八釐零。請自乾隆三  
年為始。均予豁免。俾竈戶得免包賠。咸霑樂利。再蘆屬竈  
地逐一清丈。並無竄入民糧之處。其應納竈糧。仍繫照舊  
輸納。並無重複。無庸另議陞減等情。取具各該州縣場魚  
鱗圖冊。分司冊結。加具總冊印結。詳題前來。臣覆核無異。  
除冊結送部查核外。謹會同直隸督臣李衛。合詞具題。部  
駁另議具題。

乾隆三年十二月。長蘆鹽政官達疏稱。長蘆於清丈竈地案  
內。查出興國。富國。滄州。南皮。寧津。交河。東光。樂陵。嚴鎮。海

豐等州縣場。共有實在迷失無著竈地糧銀九十八兩二錢二分三釐零。又豐財場奉圈冲沒無著地糧銀一十一兩一錢八釐零。因蘆屬並無民佃款項。其迷失地糧難同東運一例議攤。經前鹽臣準泰題請。自乾隆三年為始。均予豁免。嗣奉部覆。令將迷失竈地糧銀。照例設法彌補。并奉圈冲沒地糧。從前因何不即請豁之處。查明妥議具題。等因。今據運使蔣林詳稱。迷失竈地錢糧。在蘆屬既無民佃名目。則課賦原與東省不同。自有不能畫一之勢。况又無別款可以攤徵。而現在竈地竈丁。各有應納之地丁額

課。至於奉圈冲沒地糧。亦繫歷久無著。均難設法彌補。若將迷失糧銀。加攤於現在之各竈地內。窮竈未免貽累。伏思我

皇上軫念民瘼。凡有額賦稍重之處。即予減免。豁除何啻盈億累萬。今蘆屬興國等州縣場。實在迷失無著竈地糧銀九十八兩二錢二分三釐零。豐財場奉圈冲沒無著地糧銀一十一兩一錢八釐零。應請仍照前議。均予豁免。俾眾竈得免包賠之累。更戴

皇恩於無涯矣。至前項無著糧銀。可否仍於乾隆三年為始豁免

長蘆鹽法志 卷十六  
之處應聽部議等情。臣覆核無異。理合會同直隸督臣孫嘉澍合詞具題。戶部議準。奉

旨。依議。

乾隆四年五月。長蘆鹽政安寧疏稱。天津一帶產鹽地方。於上年秋間復遇水災。以致輓運維艱。各處銷鹽較少。商力實多竭蹶。當經調任鹽臣準泰。將乾隆三年蘆商應完冬季引課。并帶徵乾隆二年秋冬二季課銀。援照雍正三年八年之例題請。自乾隆四年為始。每年帶完一季。分作三年完納。嗣奉部覆。令將被災之處。照例子以緩徵。以紓商

力。其未被災者。仍令依限完納等因。今據運使蔣林詳稱。商人承辦課賦。固賴引地豐登。而築運鹽包。尤視場產難易。倘產鹽之地。一遇偏災。各商配築鹽包。較常多費。而僱覓車船脚費。並倍。故從前雍正三年八年。並乾隆二年。偶遇偏災。蘆商課項。俱得邀

恩。

一體緩徵。從來按照州縣被災之輕重與否。分別緩徵。今乾隆三年分。長蘆所屬州縣。雖有被災。未被災之分。然產鹽之天津。滄州等處。為各商配運之總匯。被災較重。鹽餉始經冲沒。繼難勘曬。且水路輓運。動多阻滯。是以即未被災之

州縣亦致運銷失時。脚費倍重。與已被災州縣引商同屬受困。况奏銷將屆。現今又值各商趕運引鹽之際。即照前議。飭令辦完三季錢糧。猶覺拮据。若再加以冬季課項。商力實有不繼。難免貽誤。應請仍照乾隆二年一體寬緩之例。將乾隆三年冬課。並帶徵乾隆二年秋季課項。一視同仁。統緩至乾隆四年為始。概予分限三年帶徵。其元協和等分年帑項。亦請照例一併遞寬完納。則一轉移先後間。商力既咸獲紓徐辦理。

國課亦仍得接續完補。至乾隆三年引課奏銷已經屆期。若

俟部覆到日。造報恐致積遲。應仍照原題。按三季應完錢糧數目。嚴催趕辦。造冊奏銷。以副定限等情。臣查前項課帑。懇請一體概予寬緩之處。實與往例相符。况查蘆屬乾隆三年勘不成災。及未被水州縣之民地錢糧。俱荷

特恩。分別年限帶徵。商民均屬赤子。皆在懷保之內。所有蘆商未完前項課帑。相應仰懇

天恩。俯準仍照原議。概予寬緩。按年帶完。奉

旨。著照該鹽政所請行。欽此。

乾隆四年八月。長蘆鹽政安寧疏稱。長蘆鹽引通融代銷之

法繫雍正元年題定。俾值豐歉不齊之年。得將此盈彼絀之引。隨時接濟。辦納課項。立法稽查周密。無從滋弊。故十餘年以來。引不壅滯。民無淡食。乾隆三年。戶部於前鹽臣準泰題覆原任大學士朱軾條奏鹽務八款案內。議將通融代銷之處停止。隨經前鹽臣準泰將勢難停止緣由。具摺奏明。復會同前任直隸督臣李衛。河南撫臣尹會一。題請仍照舊例通融代銷。奉部覆準。應如所題。如遇積滯代銷。令取具各商情願甘結。並該地方官印結。運司加具印結。一併先行具題。嗣經臣以長蘆行鹽州縣距產鹽之天

津。遠近不一。其間年歲豐歉。勢難預料。若必取結具題。後始準通融。往返行查。恐於商課民食。均有遲悞。是以援照康熙二十九年之例。呈請戶部。每歲將通融過引數。統於奏銷案內聲明。茲奉部覆。行令仍照原題辦理等因。今據運司蔣林詳稱。蘆商行運直豫二省引地。一百八十餘處。歲銷鹽引九十六萬餘道。其間年歲遇有豐歉之不一。故銷引致有多寡。在多銷之地。代銷積引。皆因當下民食情形起見。是以隨時投遞甘結。照例詳送鹽政批准。給發印票。方準領引配運。即鹽運到時。該地方官亦必查明數目。

相符。方準入店銷賣。仍一面行知本引地方州縣。又於每季將代銷各引造冊呈送總督查核。是長蘆引目各處均有稽查。立法已屬周密。商人實無從朦混滋弊。且年歲豐歉四時既無從預知。則銷引之多寡。先期又焉能預定。故各處或偶艱於疏銷。或偶易於銷售。皆繫隨時變通。斷難預為額定數目。先行詳題。若令逐件或逐月具題。則章奏紛繁。亦覺瑣屑非體。况蘆商告運鹽餉。夏秋水發。既陸路阻礙。冬間河凍。又水運停滯。在民食正需接濟。不容稍緩。今必俟地方官查明出結題請議準之後。方許配運。將文

檄往返久已逾時。在各處壅滯之引。必至奏期空繳包課。而此日能銷之地。又必誤運有缺。民食揆之事勢。委難遵行。應將長蘆引目通融代銷之處。循照康熙二十九年前任巡撫于成龍題定之例。統於奏銷時造冊送部查核等情。臣查鹽之有盈絀。原因年歲之豐歉。而通融撥運。又在隨時接濟。難以緩待。是行查取結具題後。始準代銷之處。實於民食商運。均有貽悞。况歷年準其通融之引。俱已立法稽察。甚屬周密。從無弊竇。相應仰懇

天恩。俯將長蘆代銷鹽引。準照康熙二十九年之例。統於奏銷冊

內聲明毋庸先行逐件具題。庶需鹽之地得以及時運銷。接濟民食。而積引之商亦不致包賠課項。於鹽務大有裨益。再查乾隆三年分鹽引已於本年五月奏銷。照依往例造冊送部。茲乾隆四年二月起五七月止。各商代銷過引數。現據運使蔣林造冊詳送。轉分部科查核。又目今已屆仲秋。正各商告運菜鹽之候。所有額引易銷之處。自難久待。致有遲悞。除一面仍循往例辦理外。合併聲明。下部議定。令將代銷之引。毋庸先行具題。奉

旨依議

乾隆六年八月。長蘆鹽政三保疏稱。長蘆引鹽每包加增五十觔一案。前奉戶部議令核明加課具題。并令將乾隆二年起應徵課銀一併查明著追等因。今據運使倪象愷會同署布政使劉于義詳稱。長蘆每年額引九十六萬六千四十六道。每引加鹽五十觔。通共加鹽四千八百三十萬二千三百觔。每引二百五十觔合算。應計引一十九萬三千二百九道。二分長蘆引課科則不同。懷引每道納課四錢六分八釐零。薊永引每道納課四錢二分三釐六毫零。今遵戶部定議折中合算。以懷引之四錢六分八釐零。並

蘆承引之四錢二分三釐零。合併折中。每引應徵銀四錢四分五釐八毫零。共應加增課銀八萬六千一百四十二兩九錢八分六釐四毫零。所增銀兩。即均攤於額引九十六萬六千四十六道之上。每引一道。應加增銀八分九釐一毫零。毋庸另增引張。此項增課。自應本年入額徵收。但查各該商。除應解本年正課四十四萬餘兩之外。尚有應辦三年分冬季。緩徵銀一十一萬一千八百二兩有零。又帶徵銀一萬四千餘兩。是本年所辦。總共該銀五十七萬餘兩。如再加徵銀八萬六千一百餘兩。竊恐商力有限。輸

納不前。致多逋欠。至壬戌年。各商緩徵之課已完。每年止辦正課銀四十四萬餘兩。并帶徵舊欠銀一萬四千餘兩。則商力少紓。應將此加徵八萬六千餘兩之項。自壬戌年為始。入額徵收。其乾隆二年起。至乾隆六年止。按照現在加增之課。五年並算。共應追徵銀四十三萬七百一十四兩九錢三分二釐二毫零。為數既多。更難一時催辦。並請於壬戌年為始。分限十二年帶徵。如此庶各商得以從容辦納。而舊額新徵。均得輸將。不致逋欠等情。臣查蘆引所加鹽餉。悉遵部示。按照原額引課。折中核算。每年應加增

課銀八萬六千一百四十二兩九錢八分六釐四毫零所增銀兩即均攤於額引之內完納毋庸另增引張惟是加增課銀自應即於本年入額徵收但查各商現有應完帶徵銀兩恐商力有限輸納不前應請俟帶完緩徵課銀之後於壬戌年起將加增銀兩入額徵收其乾隆二年起至乾隆六年止此五年應追之課照加增之數核算共有四十三萬七百一十四兩九錢三分二釐二毫零為數甚多實難一時催追相應仰懇

天恩俯準並於壬戌年起分限十二年帶徵俾商力紓徐辦理不

致竭蹶理合會同調任直隸督臣孫嘉淦合詞具題部議準分限八年帶徵奉

旨依議

乾隆九年七月長蘆鹽政伊拉齊奏據長蘆運使鄧釗詳據商人王至德等呈稱竊以救災捍患固

聖世之常經發帑截漕實

熙朝之曠典况以麥秋失望四月五月之賑恤固已優渥有加尤慮民困未舒修城導水之曲籌實仰

勤求不倦

當宁之已飢已溺。凡皆淪浹。夫羣生愚情之獻曝獻芹。或亦可邀於

聖鑒。商等幸生堯天舜日之世。深感茹毛踐土之恩。不有寸私。莫伸下悃。敬願捐輸銀十萬兩。於秋成陸續交庫。聽候撥濟公用等情。據此竊查該商等仰沐

聖恩高厚。遂咸起報效之誠。連名呈請願捐。羣趨爭先。恐後相應。據情詳請察核轉奏。至該商等踴躍爭先。急公報效。可否邀請議叙。以示獎勵。並造具花名銀數清冊呈送前來。臣查上年天津河間二府。偶被偏災。荷蒙

皇仁蠲賑兼施。固無一夫不獲其所。今春雨澤愆期。復議廣興水利。

聖謀愛養民生。至周至備。將來需費帑金。何啻億萬。凡受覆載之恩。當竭報效之悃。蘆商素沐

高厚。感恩報效。茲據商人王至德等三十八名。情願捐銀十萬兩。聽候撥濟公用。由運使詳請代奏前來。臣不敢壅於

上聞。謹據情繕摺具奏。再該商等急公報效。感戴心誠。可否準予議叙。

恩典出自

皇仁非臣所敢擅專者也謹奏奉

硃批該部議奏經部議準並準備造詳細履歷清冊給予議叙

乾隆九年十一月長蘆鹽政伊拉齊奏稱民間所食有引官

鹽原照州縣營衛之大小軍民戶口之多寡計口食鹽按

鹽定引課從引出鹽由引銷引壅則課絀課絀則商困細

察根源實因私販充斥之所致臣奉

命巡視長蘆鹽政凡有關鹽務無不悉心體察惟期國課無虧商

民有益實力奉行無負

皇上委任之至意今查直屬之灤州遷安樂亭豐潤寧河五州縣

商人認地行鹽疏銷官引除舊定額引之外又復屢次請

增引目至一萬七八千引洵為急公辦課自乾隆元年經

前督臣李衛題設老幼孤貧按名給牌許一日一次赴場

負鹽四十觔易米度日名曰老少牌鹽實繫仰體

皇仁惠養窮人之善舉不意設立貧販以來官引日見難銷私梟

日甚一日現在灤遷等五州縣貧販四五十名不等以

每人每日負鹽四十觔合計一年約共一萬一千餘引之

鹽官引已佔過半即使貧販毫無影射行私而官引已有

鹽壅課絀之虞况場竈阻隔遠近不齊徒假老少貧民之

名色實為奸梟。因戶之護符。如孤寡殘弱。無告之貧民。老者六十歲以外。少者十五歲以內。兼有疲癯廢疾。赴場籌買。近則數十里。遠則百十餘里。步履尚屬艱難。何堪背負奔走。若以道途之遠近。計跋涉之行踪。必得一二日至二三日。始獲負鹽一次。沿街叫賣。隨時出售。所餘利息。已不敷往返食用。設遇酷暑嚴寒。風霜雨雪之時。雖欲赴場負鹽。亦勢所難能。因而有種不法奸徒。勾串貧販。就產鹽場竈之處。覓一偏僻地面。用賤價收買窩因。今日過東。明日轉西。並無一定下落。或藉老少名目。重複混買。或串頑猾

竈戶。盜賣行私。盈千累萬。早夜搬運。車載肩挑。公然無忌。一經挈獲。輕則棄鹽逃走。重則拒捕傷人。且地方遼濶。有數巡役。焉能宗宗究結。即如獲送到官之犯。審訊時。皆以買之老少牌鹽為詞。竟爾漏網。如此弊端。不可枚舉。是以上年商人王至德。以奸徒因積轉販。官引難銷。請將此老少貧民。照閩省之例。商捐折給錢文。以資養贍。又以灤州遷安樂亭三處引地。原繫已業。今貧販竈鹽充斥。每年賠累難支。具呈情願退出。將原業引價銀九萬二千五百餘兩之引地。分文不取。另著商辦。臣伏念該商王至德父子

世受

國恩認引行鹽尚屬急公辦課今以私鹽充斥官引難銷恐蹈罪戾將九萬餘金之產業情願告棄實因艱辦起見即另招他商接認承辦彼見前車既覆畏首畏尾亦俱退縮不前臣再三籌畫課餉固不容緩而綱商亦應培恤當據該商所呈批行運使轉飭各該州縣議詳去後茲據灤州知州盧見曾等議詳停止老少牌鹽援照閩省之例加倍折給貧民錢文不惟官引藉以疏銷而貧民更霑實惠等情由運使鄧釗等核議按貧販名口實數每名每日給與

大制錢二十四文每月需錢若干飭商於每月下旬捐交各該管州縣貯庫月朔傳齊老少貧民按名散給緣由前來臣細查閩省貧販折給錢文每名每日不過十數文今各州縣加倍議給增至大制錢二十四文即為京錢四十八文統計合算一身一口風雨勿阻每歲得錢一十七千有奇不但老少貧民贍養有餘即尋常傭工覓食者亦足以餬口無憂較之額設孤貧口糧更覺裕如庶此等無告貧民無往來叫賣之勞免暑寒風雨之苦安居樂食得終天年既獲

國家恤老憐貧之實惠。而牌鹽名色一經停止。則因積影射之奸徒。亦無可施其伎倆。此不禁而自戢也。私販難以影射。官引得以疏銷。將見認引行鹽之商。專心承辦。漸次得復舊業。如此一轉移間。實與商民兩有裨益。臣職司鹽務。目擊情形。現據運司議詳。不得不據實陳奏。伏祈

皇上睿鑒。敕部議覆施行。再查此外設有貧販之天津等八州縣。現據運司詳稱。亦據各商呈請一例折給錢文。誠恐各屬異宜。行令各該地方官。確查妥議。另詳等語。容俟詳到再議。合并聲明等因。前來。查乾隆元年正月內。欽奉

上諭。著直省督撫。嚴飭各府州縣文武官弁。督率差捕。實拏奸商大梟。勿令疎縱。至貧窮老少男婦。挑負四十觔。概不許禁捕。欽此。欽遵通行去後。嗣據原任直隸總督李衛奏稱。長蘆鹽務。凡貧難挑賣四十觔。從前俱未定有成規。今天津鎮道各呈報。所屬一帶愚人。不知

皇上高厚天恩。止在寬恤貧民。使遵四十觔以下。不行禁捕之例。得以餬口。竟有船載私鹽。分散各村貨賣。數十人結聯而走。每擔約八九十百觔不等。兵役查拏。即以違

旨。開闢。甚至拒捕。直隸尚且如此。他省可知。伏祈

長蘆鹽法志 卷十一  
聖明鑒察。應否密飭各省督撫。加意撫綏。部駁另議具奏。

乾隆十年五月。長蘆鹽政伊拉齊疏稱。灤州。遷安。樂亭。豐潤。寧河等五州縣引地。自設立貧販以來。詎料日久弊生。遂至官引難銷。皆緣奸徒收買牌鹽。發販充斥之所致。若不亟為調劑。

國課商本。均有虧絀。是以上年臣將情形繕摺具奏。請照閩省之例。折給貧販錢文。以杜囤積影射之弊。嗣奉戶部劄開。停止老少牌鹽。照例折給錢文。於商固屬有益。而於民有無未便。行令會同督臣。秉公確查詳酌。妥議等因。轉飭

查議去後。今據布政使方觀承。按察使嚴瑞龍。鹽運使鄧釗。詳稱灤。遷。樂。豐。寧等五州縣。現存老少四五六七十名不等。以每人日負鹽四十觔合算。年約合引一萬一千餘道。是雖無影射行私之弊。已有引壅課絀之虞。何況積慣私梟。勾通奸竈。恃有牌鹽影射。恣意盜賣販私。此其私鹽充斥。官引難銷。課多虧絀。商困日增。至貧窮老少。準負零賣。乃

國家惠養無告窮民之

曠典。若果窮民俱沾實惠。亦未敢輕議更張。今惠養窮民之利。

既被奸徒侵佔。又復影射行私。此其法久弊生。誠宜斟酌權變。蓋老少去負鹽廠所。近者數十里。遠者百數十里。即就近廠者而論。一日僅可往返。雖少壯之人。終日背負奔走。亦覺勞苦難堪。何況老幼殘廢。年力衰憊之人。因老少力難背負。故梟徒得逞其奸。遂招引老少。賤價收買。而老少既憚跋涉之勞。又慮難於銷售。俱情願減價賣與奸梟。且間有奸猾老少。希冀重複混買。惟求即時速售。更不計獲利多寡。是以老少牌鹽。悉歸私梟。因販窮民之利。既為奸徒所侵。因積私販。又藉牌鹽影射。今若照閩省之例。停

止牌鹽。折給錢文。則影射因積之弊既除。而私梟不禁自戢。鹽法肅清。引銷課裕。於商有益。固無論矣。而向時冒雨衝風。背負奔走之老少。今則無論風雨疾病。計日得錢。安居飽食。永無凍餒之虞。共樂昇平之歲。是於老少貧民。不獨並無未便。抑且更加有益。應請將老少牌鹽。題請停止。仍飭各屬查明。現存老少若干名。每名每日給大制錢二十四文。令商人每於月底照數捐交。該管州縣。於月朔傳齊老少。按名散給。不許遲滯稽延等情。會詳前來。臣查老少牌鹽之設。原為惠養窮民。今折給錢文。免其跋涉負賣。

均得安居樂食。受益更深。况牌鹽一經停止。因積影射之奸徒。實無可施其伎倆。將見私販不禁自戢。官引得以疏銷。課額充裕。於商民均有裨益。臣謹會同陞任直隸督臣高斌。合詞具題。再查設有老少之天津等八州縣內。除天津一邑。繫水陸通衢。人烟稠密。該縣額引已附靜海縣代銷。城鄉村鎮向來俱食牌鹽。所有原設貧販。未便停止外。其餘滄州鹽山等七州縣貧販。應否一例折給錢文之處。現據運司檄行該州縣確查。應俟詳覆到日再議。合併聲明。下部議行。

乾隆十三年六月。山東巡撫阿里衮。署理長蘆鹽政麗柱。奏稱。今歲恭遇

聖駕東巡。凡直東兩省。官吏兵民。無不共沐

恩膏。惟行鹽各商。尚未仰邀

惠澤。臣等仰體我

皇上深仁。廣被覆載。靡遺之至意。懇請一體

加恩。查得東運額引。并接濟引。共五十五萬道。額餘票共二十三萬八千二百四十道。內引課每道徵銀二錢四分五釐。零票價每道徵銀二錢二分三釐。並二錢一分六釐不等。其

長蘆鹽法志 卷十六  
引票俱按部頒引張一引一包計重一百二十五觔臣等酌議請於引額之外每百觔增給一十觔免其加課統計歲額引票七十八萬八千二百四十道共加增鹽一千七百七十三萬五千四百觔限以二年停止如蒙

恩準則直屬蘆運額引事同一例並懇

聖恩一體加觔查得蘆運京外額引九十六萬六千四十六道每道徵銀四錢二分三釐至四錢六分八釐不等每引每包計重三百觔每百觔請加鹽一十觔免其納課統計一歲加鹽二千八百九十八萬一千三百八十觔仍照依東省

定限二年停止則蘆東各商辦運引鹽均得寬裕下部議行

乾隆三十六年長蘆鹽政西寧奏據長蘆鹽運使趙之璧詳稱長蘆行鹽引地直豫兩省共一百八十四州縣舊州采育二營鹽引數目雖多寡不等大率以地方之大小戶口之繁簡分別定額行銷緣年深日久今昔情形不同遂致有滯銷之區大為商累雍正元年以前各商欠課百十萬餘兩之多經前鹽政莽鵠立奏準通融運銷舊欠錢糧每引加鹽五十觔免其輸課分年帶完嗣後鹽仍加課又於

乾隆十七年前鹽政吉慶以督銷州縣因引可通融別邑視同膜外請將銷引未完州縣雖鹽已代銷仍按其未完分數查參銷鹽已至八分以上通融僅止一二分者毋庸加以參處等因奉部覆準在案但滯銷州縣既顧考成則嚴催各商務將八分引目繳銷以免處分其實銷售未完年復一年既壓成本又包課項前後不免週轉以致積困日深仰蒙

皇上軫念商艱疊次增價誠千載罕遇之

恩實鹽務振興之際惟是商人認地行鹽有暢有滯在暢銷口岸固益有起色而滯銷口岸仍不免有積壓包賠之累若不早為調劑誠恐積累愈深請將長蘆滯銷地方引目仍照從前代銷之成例俯準各商於續定八分引內酌量銷售情形再準通融一二分除兩省行鹽各州縣內年銷年額者毋庸籌辦外其滯銷之區京外引則有四十六州縣舊州采育二營每歲若再準融銷一二分計算引數不過四五餘萬道而暢銷口岸共有九十七州縣每歲約可多銷二三十萬道額頒餘引只五萬道又續請餘引十萬道又代銷京融各引八萬餘道之外尚可加銷通融引四五萬

道。以此地之積壓補彼處之不敷。庶額引既免壅滯。而與餘引亦無妨礙。倘敢再有壅滯。於考核時。仍按原定額數。連融出之引。並計分數查參議處。各參商歷年虧欠課帑等銀。共有一十四萬八千三百餘兩。雖已將各名下家產查封估變。併將引地積鹽飭令地方官銷賣價銀解交運庫。抵完舊欠。第虧缺過多。不足抵補十分之一。日事追比。迄無完納。所遺引地已經虛懸兩載。目下代運之商。究屬權宜辦理。現雖上緊招商承認。無如蘆商中殷實者少。未能一時出有現貨。且以一歲之內。欲其兼納舊欠。其力更

屬難支。惟祈奏明寬以年限。著落綱總。選保殷實能事之商。分地認定。先將參商名下所欠有利之帑。令其換具領狀。認領輸息。即抵引窩價值。其餘舊欠課項。除參商家產鹽價變抵外。不敷銀兩。核其舊欠銀若干。計其所得利息多寡。酌定年限。自二三年以至七年不等。并令新商代為完納。如此庶於課帑民食均有裨益。理合開明各欠數目。并酌分年限完納清冊。詳請核奏。至參商等經理不善。以致虧缺課帑。實有應得之罪。未便因其所得各項。將來一有新商分限代還。即任其脫然事外。應請仍按各名下。未

完分數。照例分別治罪。以示懲警。合併聲明等情。臣覆加細查。均繫實在情形。自應亟為籌辦。理合據情仰懇

皇上天恩。可否俯準滯銷四十六州縣。二營鹽引。每年再準融銷一二分。計算不過四五餘萬道。而暢銷口岸。共有九十七州縣。除領銷餘引。並融銷京引之外。尚可加銷通融引四五萬餘道。以此地之積壓。補彼處之不足。各商引地。得以均勻。自無滯銷偏累之虞。至參商舊欠。酌分年限。令新商代為完納。商力得以紓徐。自必踴躍承認。有專商辦理。庶引地不致虛懸。而舊欠帑課。亦得逐漸完清。除將各欠數

目。酌分年限完納緣由。另造清冊送部外。臣謹會同直隸總督楊廷璋。合詞恭摺具奏。下部議行。

乾隆四十七年十二月。長蘆鹽政徵瑞奏稱。竊查長蘆奉發當架等帑本銀兩。交商營運。誠以商力不齊。遇有資本偶闕。得隨時領借。便於轉輸。

恩至渥也。乃臣到任之初。查知無著帑本。因而究悉原委。緣商力消長不常。逐年誤課。參革不一而足。每一參商。即有兩年未完課銀。加以領借帑本。應交利銀。為數既多。引產不敷。所抵接辦之新商。估計窩價。半認前欠。往往因口岸疲累。

另借帑銀。又或不善經理。接踵參革。如此仍仍相因。商經屢易。積數遂多。竟有日久。徒事比追。而帑項始終懸宕者。先經臣於熱河

召見時。將實在情形。面為陳奏。嗣臣自山東回津。復同蘆運司張棟澈。底清釐。除參商隱匿家產。及保商徇私保借。另行究辦外。現在查得遠年參案內。各參商名下。帑本銀二十九萬二千八百八十五兩零。近年參案內。各商名下。帑本銀二十七萬七千七百四十八兩零。所遺引地。既久變抵家產。亦復查封。實共虛懸帑本銀五十七萬六千六百六十三兩

零。其中有已經通網認利者。有未經通網認利者。除前鹽政西寧。奏欠利銀十萬六千四百餘兩。分別攤賠外。現在上年至今。又有欠交利銀五萬七百三十二兩零。帑利大半。歷年奏解。而此一年之內。亦繫參商應交之利。復有未完利銀十萬五千五百六十餘兩。此外尚有積年墊給運本等銀七萬兩。以上合計。統共銀七十九萬六千九百二十餘兩。悉屬參商實在無可著抵之項。臣既已逐一清釐。何敢仍以差追塞責。竊思此項銀兩。商欠理應商還。第僅以無著銀數。令通網按引均攤。恐日久猶存參商借欠之

名。不過視為代交利銀。而帑本究非實在。自應亟為彌補。不得復留塵積。茲據衆商議請。分作五年歸款。自乾隆四十八年為始。每年按引繳銀二錢。隨課完納。收存運庫。以扣抵各款。所有無著帑本。自後應解現年利銀。即於商繳銀內扣解。其上年及今年欠交利銀。一併於商繳銀內。均分五年掃數清解。餘銀歸還墊款之外。即作帑本貯庫。以後逐年解利存本。計至五年。無著帑銀。俱歸有著等情。由司具詳前來。臣查蘆商屢沐

皇仁。感深淪浹。據議通網繳銀。亦屬衆擎易舉。惟有仰懇

天恩。俯準分限五年。俾紓商力。所有前項無著銀七十九萬六千九百二十餘兩。再加以五年內。應解現年利銀約三十萬兩。統計在一百萬之外。核算各商按引繳銀二錢。每年約銀二十萬兩。五年共繳銀一百萬兩。照數扣抵。並無浮多。統俟五年之後。懸帑全清。商繳一項。即行停止。再行奏

聞。惟隨課完納。每年必在十一月底始能交庫。其中有應解現年利銀一項。即隨時墊解。統於十一月內繳銀歸款。至此項帑本。既經通網賠補。應準通網公借公還。不得再借於疲乏之高。致日久復蹈故轍。再現商所借。多有帑浮於引者。

亦應俟四十九年。緩徵川餉全完之後。商力稍寬。令其將浮數分年抽繳。轉發少借之商。俾引帑相均。以除前弊。並請嗣後每至五年。鹽政清查一次。據實陳奏。庶商借帑本絲毫皆知慎重。而應解利銀。亦可期年清年款。下部議行。乾隆四十八年。長蘆鹽政徵瑞奏稱。楊村備撥前督臣方觀承所定成規。以楊村備撥專因北運河水勢微弱。漕船體重難行。撥載宜用小船。方利遄行。若大船吃水過深。並不適用。而商僱運鹽。多用大船。遂議三百石以下之船。封撥漕糧。三百石以上之船。聽商僱運。並飭商遠赴外境。用價

僱定。填發護照。然後來津裝載。以杜船戶影射之弊。天津為船隻總匯之地。今年到關船隻。比前較少。詢訪輿情。其故緣辦理封撥。不論河水之充裕淺澁。用多用少。一例必取足額。沿河協濟。不分船之適用與否。悉令充數。楊村派撥守候無期。又一概截留不放。自二月冰凍方解。糧船未到之前。先已預為封禁。直至九十月淨壩放船之後。為日無幾。即屆河凍。船戶衣食是資。累月坐廢。所以一聞封撥。來者中止。是其畏避之情。皆由曠日持久之故。而津船稀少。實皆不使流通之所致。查蘆商每年運鹽百萬餘引。今

以備撥之故。概為封禁。不復有餘剩大船。為商鹽僱用。百萬帑課所出。兩省民食攸關。恐致貽悞。且重載貨物。赴通銷售者。中途差押起卸。概令騰空備撥。客貨聞風裹足。竊恐關稅錢糧。勢必短闕。即天津一帶。直至京師。民間食用必昂。並恐年甚一年。將來撥漕亦至掣肘。似宜急為調劑。奉

硃批。此奏似有所見。行在該部。速議具奏。

乾隆五十年八月。鹽政徵瑞奏稱。竊查南漕入北河後。撥運船隻。悉繫官為封僱。近年糧船到遲。而封撥之船。早已預

備守候日久。以致船戶畏避不前。民船日見稀少。天津向為船隻總匯之區。今頻年船少。致商鹽百餘萬引。艱於輓運。四遠僱覓。水脚倍增。終形掣肘。此漕鹽兩項船隻。竟致相妨之情形也。臣伏見本年漕運阻滯。上厪

宸衷。指示催僱截留。現在沿途截存之漕。在在需撥。若不設法調劑。將來不但商鹽闕運。並恐無船備撥。於漕運亦大有關碍。臣留心察看。欲籌兩利之舉。惟有造船撥漕一法。茲據長蘆通網商人具呈。情願捐銀三十萬兩。造船一千餘隻。以供南漕隨到隨撥。並懇

賞借庫銀墊辦。分年完交等情。呈請具奏前來。臣查蘆商疊沐皇仁。久已淪肌浹髓。今願捐資造船。自出感激至誠。且其急公之意。亦屬自利之計。似應俯如所請。辦理。前經臣面奏。荷蒙聖鑒。惟捐項一時未能湊集。仰懇

天恩。暫準動撥銀三十萬兩。令各商按引均攤。每年完交銀三萬兩。分限十年歸款。如蒙

俞允。臣即飭運司由運庫內動撥。解交直隸督臣劉峩。派員趕緊成造。務期明年新漕應用。其催用水手工食。逐年修艤款項。及將船隻分交與沿河州縣承管。並遇有銅鉛奉麥豫

豆等項。隨時裝撥。其南糧未到之先。漕竣之後。準船戶攬載營生。以資貼補工食之處。督臣現在天津。與臣面商。統俟

命下之日。聽督臣安定章程。自行具奏。抑臣更有請者。自造船之後。應嚴飭地方官。永遠不得再行封挈民船。其成造之船。總令地方官經理。亦不得再累及於商。如此一為籌辦。則撥船寬裕。既屬速漕之一法。且民船得免官封。聞風雲集。商鹽足運。於課餉亦有裨益。至於貨載招徠。關稅民用。更均資利賴於無既矣。奉

上諭。據徵瑞奏備造撥船。已明降諭旨準行矣。所奏請交劉我派員成造一節。此項撥船所需板片木料較多。直省恐不能應手。著徵瑞開明文尺數目。知照特成額。吳垣舒常令該督撫等於湖廣江西二省遴派妥員各趕造五百餘隻。以供撥運。詳諭旨。

乾隆五十二年八月。鹽政穆騰額奏稱。捐造豫省撥鹽船隻。

鹽漕兩便仰祈

聖鑒事。竊照乾隆五十年間。因楊村一帶起撥漕糧。用船較多。商鹽僱船闕少。水脚騰貴。經前鹽政徵瑞奏請。通網捐造撥船一千二百隻。留為北河撥糧之用。商鹽得以僱用民船。

水脚頓減。鹽漕兩益。嗣於乾隆五十一年。前鹽政徵瑞復行奏明。續造撥船三百隻。共一千五百隻。撥運益為敷用。此撥船之有益鹽漕。已有明效也。茲據通網商人王世榮等呈稱。前項撥船。正為北河等處應用而設。而蘆商每年有裝運豫省引鹽三十餘萬包。由天津運至大名府屬之龍王廟白水潭等處。該處水淺河狹。原船不能前進。必須另僱撥船轉運。而豫省載運黑豆雜糧。多在該處僱船往。往船不敷用。且商等秋關引鹽。運至大名。正值軍戶撥糧之候。鹽漕同時僱撥。以致船戶居奇。水脚昂貴。甚至羈阻。

逾歲守凍需時。既糜脚價。又誤課帑。商力實為竭蹶。今商等通盤籌畫。情願捐造撥船一百五十隻。在龍王廟白水潭等處。專運引鹽。一切民船。均留為撥糧之用。則撥船專為運鹽。不惟多省脚價。輓運自可從此無阻。而商鹽不用民船。亦於軍戶撥糧甚便。至此項船隻。較撥漕船丈尺稍可窄小。約計工料等項。每船需用銀二百二十兩。合計一百五十隻。共需銀三萬三千兩。查前兩次排造撥船。繫直豫衆商公同捐辦。今直商已得備造撥船之益。此次若令豫商獨自捐造。未免偏枯。商等公同議明。將應需工料銀

兩。直豫兩綱。按引公捐。以昭平允。並懇先於運庫存款內。動支排造。分限二年。各商按年隨引完納。以清款項。懇請轉奏等情。由長蘆運司李世望。據情詳請前來。臣覆查直豫引鹽。全在輓運得時。暢銷獲利。今直商既因捐造撥船。商鹽僱用民船。脚價平減。行運無阻。而豫省未設撥船。鹽包運至大名府屬之龍王廟等處。河道淺狹。另行僱船撥運。每值豫省運京豆麥。及軍戶撥糧。同時並僱。以致船隻闕少。脚價昂貴。商費不資。甚至羈阻逾歲。賠誤課帑。自屬實在情形。今直豫商人情願公捐銀兩。備造撥船一百五

十隻專運引鹽。並請於運庫存款內借銀三萬三千兩。動支備造。分限二年。於乾隆五十三五十四等年。隨引完交。俾運費節省。商力益紓。而於漕運亦屬兩便。相應據情奏請。

天恩如蒙

恩準。請即於本年九月。在運庫借給銀兩。飭令鳩集工料。設廠備造。明歲可資撥運。其銀分限二年。於五十三五十四等年。隨引完交。以清款項。至所需船戶水手工食。該商等本有應出運脚。各按鹽包多寡。均勻催給。俟成造之後。並請編

列字號。咨明直豫督撫。飭行地方官。不得封催。致悞鹽運。是否可行。臣未敢擅便。伏乞

皇上睿鑒。謹奏。奉

硃批。可行。知道了。

乾隆五十七年十一月初九日。長蘆鹽政穆騰額疏稱。長蘆山東鹽法志書。經臣奏準重修。當即檄行長蘆山東二運使遵照。如有今昔不符之處。查明辦理去後。茲據長蘆運使嵇承志。山東運使阿林保詳稱。查得商人行鹽引目。前經戶部題定式樣。刊鑄銅板。刷印頒發。護運行銷。惟查鹽

法事宜。歷經更改。而鹽引所載。尚繫舊日條規。如引內所載。長蘆每引二百觔。嗣於康熙十六年。雍正元年。二次題定。加增。現在每引以三百觔為一包。又乾隆元年。經前任總督李衛題明。河南引鹽。每引連包索加耗鹽十五觔。直隸引鹽。每引連包索加耗鹽十觔。各在案。山東商鹽。每引二百觔。亦於康熙十六年。每引加鹽二十五觔。今以二百二十五觔為一包。又蘆東行鹽地方。引內開載。俱繫舊日府分。後有陞州為府。並州縣亦有添改。又各場竈丁等。販私七款。與現行則例。多有不符。理合造具清冊。逐一註明。

詳請具題更正。理合恭疏請

旨。敕部核議。將長蘆山東鹽觔數目。並行鹽地方。應增應刪。以及販私七款。逐一更正。請自乾隆五十九年為始。新定式樣。刊鑄刷印。頒發護運。俾引式不致參差。商民永相遵守。再查山東有引票之分。引與票均繫一板刊刷。惟票內另蓋戳記。奉

旨。票鹽改引之引字樣。應請仍舊蓋用。以示區別。合并陳明。除將原冊分送部科查核外。理合具題。下部議覆。

乾隆五十九年九月三十日。長蘆鹽政徵瑞奏稱。

國家設立育嬰堂。收養民間遺棄嬰兒。最為善政。天津人居稠密。向無育嬰堂。偶遇歉收之年。往往有嬰孩棄置道途。無人收養者。臣與運司議商。於鹽務中添設育嬰堂一所。以廣

聖主保赤之仁。計歲需乳工食米衣服柴炭醫藥什物等費。以嬰兒二三百名核計。必籌長年經費。查蘆商有奏明按引捐銀二錢。為彌補參商無著帑課。及津貼官造撥船飯食之用。請即於此項銀內。每年視收養之多寡。酌撥銀自五千兩至七千兩為止。作為經費。本年收養尚少。即以此銀兼

辦堂屋。仍按年具報內務府查核。本繫商捐之項。抵商人應辦之公。商免重出。而公事有濟矣。惟育嬰堂既為鹽務中所設。僅聽商人經理。難於兼顧。臣查有原任通判周自邠。天津人。老成端正。好善不苟。商民素所深知。令其專司堂事。必能妥協。臣仍與運司隨時查察。務使久而勿懈。謹奏奉

硃批。知道了。

乾隆五十九年十一月。鹽政徵瑞奏。為酌籌調劑蘆東鹺務。請更定行銷章程。以歸畫一事。切照蘆東商力。素稱微薄。

疊蒙

皇上施恩沛澤衆商莫不感戴

深仁自宜營運寬紓日有起色而臣自上年到任後察看情形轉運彌覺周章辦課時形竭蹶屢經詳切訪詢據該商等僉稱蘆東每年交納正雜錢糧帶徵緩課以及帑本帑利等項需銀數百萬兩以賣鹽之錢易銀完交賠折過多以此商本日就短絀力有難支等語臣復詰其因何賠折之故據稱商等認地行鹽定價賣錢必須向市肆易換銀兩一州一邑銀鋪無多近年遂有市僧將銀囤積居奇明知商

等應完帑課之時故昂其值以跌錢價若不與之交易既無別鋪可換若將錢捆載遠行又脚價不貲勢不得不隱忍吃虧所以連年賠折等語臣博訪商情所言實非支飾惟因彼時市集錢價甚賤勢難專事恤商是以未敢具奏現在各省錢法仰蒙

皇上俯鑒下情停止鼓鑄查繳小錢並將兵餉滿支銀兩錢價自必日漸增長若不及此時將蘆東行銷賣錢量為變通酌中更定則不獨商情偏絀辦課得有藉詞且恐商力實有不支勢必帑課民食均致貽悞所關匪淺節據蘆東兩運

長蘆鹽法志 卷十六  
司稟請酌劑前來。臣查各省鹽餉價值。如兩廣雲南湖廣江西等省。例俱賣銀。河南一省。食四省之鹽。現今銷兩淮之引地。每餉以銀定價。即行銷山西之鹽。向亦定價用銀。惟蘆東引鹽。專用錢文。是此一省中。銷售鹽餉。銀錢本屬互異。臣愚昧之見。合無仰懇

聖恩。俯準將蘆東鹽價。援照各省之例。一體改為賣銀。查現行鹽價。長蘆每餉自十二文。至二十三文不等。山東每餉自十一文。至二十四文不等。除天津公口岸。仍照舊辦理外。應請照戶部制錢十文。作銀一分。定例將鹽價十二文者。作

為紋銀一分二釐。二十四文者。作為紋銀二分四釐。餘俱照此遞改。並請與民交易。遇有整包發賣。攜銀來售者。即以銀交易。其零星買食。需用錢文者。統照市價隨時合銀作算。用銀用錢。仍聽商民兩便。市中銀錢長落。人所共知。照各省現行成規。畫一辦理。臣仍督同運司等。隨時查察。毋許稍有逾於定價之外。至將來錢價增長。銀隨時值。亦並無偏輕偏重之殊。如此變通。民間食鹽價值。並無增減。而商免市儈居奇。易銀虧本之累。實為兩得其平。如蒙俞允。從此蘆東商本保全。交帑完課。永遠可期。無悞。皆沐

聖主浩蕩鴻慈矣。臣詳細體察。不得不為調劑。曾與直隸總督臣梁肯堂。山東巡撫臣福寧。札商意見相同。謹合詞恭摺具奏。奉

硃批。此奏似有所見。該部議奏。

乾隆五十九年十二月。鹽政徵瑞奏。為場竈灘副被淹。請照例借給工本銀兩。以資修整事。切照本年夏秋之間。雨水較多。天津分司所屬豐財蘆臺二場。鹽灘圈埝。悉被水淹。先經臣督飭場員。設法疏消積水。并據竈戶籲懇循例借給修灘工本。當經批飭運司查勘明確。核實詳報去後。茲

據長蘆運司嵇承志詳報。鹽灘逼近海濱。地勢低窪。六七月間。大雨時行。衆水匯歸。灘池圈埝。被水淹浸。若不及時修整。有悞明春曬鹽。除有力之戶。自行修理外。其貧竈均須借帑興修。今分三等。查照舊例。有減無增。極無力之戶。每工酌借銀十六兩。次無力之戶。每工酌借銀八兩。稍有力之戶。每工酌借銀四兩。計豐財場應修灘二百二十七副。需工本銀三萬二千一百六十八兩。蘆臺場應修灘一百三十四副。需工本銀一萬四百四十八兩。該二場共需借工本銀四萬二千六百十六兩。請循照歷次奏準借帑

修灘之例。在於五十九年秋撥實存引課項下。動支發給。照例分限六年完交。惟查乾隆五十四年。該二場借領工本。已完過四限銀兩。尚有兩限。應在今冬及明年冬間徵收。請一併於現發銀兩。按數扣除等情。具詳前來。臣查豐財蘆臺二場。產鹽最旺。關乎通網歲額行銷。本年灘副被淹甚重。自應趕緊修整。以資興曬。竈戶貧乏居多。若盡令自行修理。勢必因循貽悞。今節省酌借。實需銀四萬二千六百十六兩。仰懇

聖恩俯準照例於運庫存銀內。如數借給。臣仍督催各竈上緊催

夫修整無悞興曬。第查各竈被水之後。家無蓋藏。借數已經節減。修費亦非寬餘。其今冬應還舊借。自應於現發工本內撥收。若明年冬間應完之項。先於今冬併扣。是被災貧竈反責。令一年中完兩年之銀。非所以仰體

聖主軫恤窮黎之意。臣并請畧為展緩。將舊借未完第六限工本。仍限明冬完交。所有現借工本銀兩。即自六十一年冬間起限。照例分限六年。每限完銀七千一百二兩六錢零。按限歸款。庶灘副得免荒廢。而竈力亦不致再形拮据矣。臣謹會同直隸總督臣梁肯堂合詞具奏。奏入奉

長蘆鹽法志  
卷十六  
硃批另有旨。欽此。詳

諭旨

嘉慶四年。長蘆鹽政董椿奏覆。竊臣報雨摺回。奉到

硃批。朕聞鹽價頗昂。民虞淡食。汝應如何調劑。據實覆奏。欽此。仰見我

皇上勤求治理。念切痼瘼。閭閻食用細微。無不上關

宵旰。臣跪讀之下。欽服難名。伏查長蘆鹽價。自康熙二十七年。計道路之遠近。脚費之多寡。酌定售賣。原屬平價。迨後雍正六年。前鹽政鄭禪寶。以商運消乏。奏請詳議。至雍正十年。總督唐執玉覆奏。應以康熙二十七年原定之數。作為

標準。照部議每觔增制錢一文。乾隆二十九年。前鹽政高誠。因物價增長。鹽穰繩蓆。俱倍於昔。請增制錢一文。乾隆三十五年。前鹽政李質穎。以從前紋銀一兩。換制錢八百文。近年換九百八九十文。至一千一二十文不等。賣鹽錢文。易銀虧本。請增制錢二文。乾隆四十七年。前鹽政徵瑞。以成本加增。請加制錢二文。五十三年。前鹽政穆騰額。以易銀一兩。需錢一千一百餘文。錢賤賠折。請加制錢二文。自雍正十年起。至乾隆五十三年。統計六十年內。先後五次。共加增制錢八文。現在近處有賣制錢十一文者。極遠

有賣制錢二十三四文者不等。即如京師從前原賣制錢九文。今賣制錢十七文。雖一人食鹽每日不過三錢。然統而計之。為數不少。誠如

聖訓鹽價頗昂。民虞淡食。臣受

恩深重。自應殫竭愚忱。欽遵調劑。以副

幬覆鴻仁。當經率同運司同興。傳集通網商眾。令將成本內一切價值。逐一核計。此中有應如何調劑。並可酌減者。詳加籌酌。務於無悞課運之中。仍得樽節。以平鹽價。如鹽減絲毫之值。即民獲絲毫之益。再三諭令妥籌去後。茲據該商

等覆稱。蘆東商人積久疲乏。更兼生齒日繁。百物昂貴。所需鹽穰繩席。車船脚價。人工食用等項。無不加倍。又因各引地賣鹽錢文。必需易換銀兩。方能折回交課辦運。無如錢賤多年。轉運拮据。至商等一切交易用項。除課運之外。不敢以自有之身家。博無益之浮費。如此兢兢自守。尚有因賠折過重。辦運不繼。以致被參告退者。不一而足。因此每至疲乏。隨有調劑之請。並於增價外。另有緩徵展限。借帑等事。即如五十三年。增價後。自五十八年至嘉慶元二等年。易換庫平紋銀一兩。需制錢一千二三百文不等。

各商賠折。至於力不能支。是以嘉慶二年。又經徵鹽政奏請調劑仰蒙

皇上將利過於本之舊欠七百餘萬兩。全行豁免。其餘應完帑課。又自庚申年起。分十二限完交。又借給運本銀一百萬兩。此實從來未有之

殊恩。一時疊沛。得此調劑之後。至今一載有餘。安心辦運。商等沾沐

皇仁至深且厚。苟能於成本內。量為節減。敢不稍平鹽價。以紓民力。第緣蘆東各商懸欠帑課。除豁免之外。尚有一千一

百餘萬兩。此後每年連新帶舊。應完課帑餉利各項銀一百數十萬兩。至成本所用。又繫事事必需。無可節減。即就目前暢銷情形。竭力營運。僅免貽悞。倘遇有轉運稽阻。行銷壅滯等事。不免又形竭蹶。若於此時。商力未充。驟請減價。萬一辦運遲悞。口岸乏食。完課不繼。交項有虧。即將商等參革治罪。已於公事無裨。今熟籌調濟。惟有察看行銷引地各屬錢價。每兩回至一千文之時。再請量減鹽價。則商民兩受其益。種種下情。懇請鑒察等語。由司稟覆前來。臣伏思商人貿易。錙銖是較。未免專於為己。不知變通。第

詳查舊案。雍正年間。即稱消乏。是該商等疲憊情形。由來已久。前任各鹽政屢請加價。自是不得已之舉。惟由漸而增。遂至積重難返。因思行鹽商人。止於數百餘家。而食鹽百姓。奚啻數千萬億。若竟減定價值。行令照數售賣。於商力所虧有限。大可獲利民之益。而所以不敢遽請試行者。誠恐商人貲本微薄。或至辦運不前。事後更張。於帑課民食。均有關係。臣再四思維。近年鹽價增昂之故。一由物價騰貴。一由錢賤賠折。在目。今人民繁庶。物價固難望其減落。而易銀錢價。斷無永遠賠折之理。溯查數年以來。每易

庫平紋銀一兩。需制錢一千二百文不等。今自嘉慶四年春間起。遠近行銷各處。每易庫平紋銀一兩。止需制錢一千數十文。至一千一百數十文不等。雖各屬錢價不一。然以錢易銀一節。該商衆辦運已經漸有便宜。惟自春間至今。為期未久。不敢援為定準。且目下錢價之好。亦僅能復還五十三年請加鹽價時數目。各商久受錢賤之虧。甫有轉機。須得暫培元氣。查從前各項調濟之請。僅止利商不能兼及便民。而現今錢價已有起色。實為商民兩便機會。臣愚昧之見。請將錢價察看一年。如日漸增長。竟能從

前以制錢八九百文。易銀一兩。則商力頗見寬紓。鹽價自應核減。即使嗣後錢價不能再長。僅在一千文光景。如果經年不復更動。亦可作為標準。將鹽價量為酌減。賣鹽錢數既可減少。則鹽價不至終昂矣。至各處銀錢價值。地方州縣例有按月摺報。該商等不能稍有捏飾。一俟錢價定準。臣即當酌減鹽價數目。奏請

聖訓奉

硃批。所議是。錢價原無一定。鹽價一減。再加又難。總期商民皆便。無過不及。合乎中道耳。欽此。詳諭旨。

嘉慶六年六月二十五日。長蘆鹽政那蘇圖奏言。查天津水勢。自初九日消落數寸之後。十一十二等日。復又增長尺餘。十四十五等日。風雨交作。水激浪湧。將

行宮挑築隄埝。汕刷滲漏。院內積水尺餘。房屋牆垣。間有坍塌。臣親往查看。連夜多雇人夫。趕緊加築。搶護隄埝。尚保無虞。至天津府城西門外臨河之芥園教場一帶。灘低受患。舊築大隄一道。為防護津城扼要之處。每年一交夏令。豫行加高培厚。以資防禦。天津道府暨文武員弁。駐工防守。臣親赴大隄。逐段查看。現俱築土培高。員弁梭織巡防。

時加保護。惟天津為衆水匯歸入海之地。現值海不收水。逆頂內河之水。又兼上游各河水日漸增長。以致泛溢四鄉。村莊田地。被淹較多。禾稼受傷。秋成難望。十八日。自丑至午。大雨傾注。東南風緊。海河倒漾之水。漫溢府城南門。西門關廂。積水淹浸。居民奔避入城。各覓棲止。現經天津道蔡齊明。知府楊志信。知縣沈長春等。設廠煮粥。急賑。其四鄉被淹村莊。已經該地方官分路查勘。亦即量加撫卹。不致災黎失所。又據長蘆商人郭利和。江公源等呈稱。商等直省引鹽。現查順天及河間天津等府。均受水患。運到

各州縣之引鹽。多有淹沒。天津塢鹽坨地。晝夜加築搶護。無如河與隄埽。積水無從消洩。存坨鹽觔。雨淋水浸。盪沒二萬六千餘包。河流湍急。糧船貨載。均皆停泊守候。鹽船亦難涉險。挽運。不得不將被水誤運情形。據實呈明等情。臣伏查引地運到之鹽。被水淹沒。天津存坨鹽包。又經淋浸傷耗。即欲趕緊築運。而河流駛激。挽運維艱。被災誤運。勢所不免。隨飭運使伊勒圖。將各府所屬衆商。行運引地。並坨地被淹鹽包。逐一確查詳報。以憑核辦。臣正在繕摺具奏間。承準

廷寄欽奉

上諭。臣隨飭天津道府各員。將所有隄閘橋梁。妥為防護。至低窪村莊。被水淹沒者。務即設法疏消。加意撫卹。臣於拜摺後。即率同天津道臣蔡齊明。前赴淀河海河一帶查勘。奏入奉。

上諭。那蘇圖奏天津四鄉被淹成災。商鹽不能築運。自繫實在情形。著那蘇圖即查明該商等引地坵鹽。被水輕重。應如何酌量加恩展限。分別具奏。詳諭旨

嘉慶六年九月二十七日。那蘇圖奏言。竊照本年六月間陰

雨連綿。河水漲溢。天津分司所屬豐財蘆臺二場。灘副池。埝悉被水淹。先經臣檄飭場員。確實查勘。並督率竈戶等。設法疏消積水。隨據竈戶籲懇。循例借給修灘工本。當經批飭運司查勘明確。核實詳報。旋據運司轉飭勘明。將應修灘副所需工本銀兩。分別酌定。造冊詳請具奏。臣覆加細核。緣該二場鹽灘。逼近海濱。地勢最窪。本年六月間陰雨過多。各河漫水下注。又兼海潮逆頂。通場灘副。悉被水淹。池埝衝打幾平。鹽根竟成淡水。灘坵存鹽。衝沒四十七萬餘包。被災情形。實為數十年來所未有。查該二場產鹽

最旺有關通網歲額行銷向年每逢灘副被災節經奏準借給工本修整歷有成案此次被災較重若不大加修整誠恐鹽灘荒廢有誤興曬商運民食所關非細除查明無力之戶責令自行修整外其貧乏竈戶無力自修勢必因循遲誤自應量為酌借請照乾隆四十六年之例分為三等稍有力之戶每工借銀五兩次無力之戶每工借銀八兩極無力之戶每工借銀二十兩查豐財場貧竈應修灘一百五十四副需工本銀四萬九千八百二十二兩蘆臺場貧竈應修灘一百三十八副需工本銀一萬四百八十

兩豐蘆二場共需工本銀六萬三百二兩合無仰懇

皇上天恩準照向例在於本年運庫徵收商課項下借給如蒙俞允臣仍督催各竈戶上緊雇夫興修務期一律完整以資明春勘曬所有

恩借銀兩請自嘉慶七年菜鹽後起照例分限六年完交每年完銀一萬五十兩三錢三分三釐按限歸款庶戶力不致拮据而灘副亦無荒廢得以廣產鹽勸商運民食皆可充足益沐

皇仁於無既矣奏入奉

旨允行。

嘉慶六年六月二十八日。那蘇圖奏言。臣欽遵

諭旨。一面轉飭天津道府各官。將所有隄閘橋梁。加意防護。至低窪村莊。有被淹浸者。迅速設法疏消。加意撫卹。一面同天津道蔡齊明。乘坐小船。由三岔河。先至海河一帶查看。緣該河並無隄岸。河西有疊道一條。石閘七座。近日上游各河來水洶湧。宣洩不及。又因海潮逆流而上。倒漾湍流。將疊道石閘。均被漫溢。二十一二等日。復同天津道蔡齊明。前赴定沙河一帶查看。所有南北運河定沙。以及各處

旱路。均被漫水接連。河旱道路。不能分晰。各鄉低窪村莊。皆被淹浸。總由數日以來。上游各河之水接連而下。兼之海潮頂阻。並非淤墊。不能宣洩之故。至天津地勢最窪。為衆水匯歸之區。當此河流盛漲。惟有保護津城。安慰黎庶。最為緊要。查西門外芥園大隄。現有同知吳之勳。在彼晝夜駐工防守。築土加高培厚。幸保穩固。至西南兩門。被水居民奔避入城者。現經地方官多擇寬敞廟宇。並於城上搭蓋窩鋪。安置棲止。臣與地方各官。業經設廠煮粥。俾災黎口食有資。均屬妥帖。其各鄉村莊。被水圍繞。未經奔避。

者亦經地方官派委員役船載錢米分路按戶散給臣一面恭詣

天后宮

海神廟虔誠默禱仰祈

皇上洪福

神庥靈佑河流宣洩奠安黎庶上慰

宸廑又據商人任振宗查世興等稟稱二十一日風狂雨驟鹽坵後隄李公樓一帶水勢頓長數尺隄埝登時漫溢搶護不及斜衝入坵衝去鹽包六十六碼所有被衝鹽包數目

一時不能查清現在飭司確切詳查造報到日再行核辦  
奏入奉

上諭被水災黎自須安置棲止妥為賑濟著那蘇圖於運庫間款項下動用二千兩急為撫卹實力辦理所有被衝鹽包俟通行查明後另降諭旨

詳

諭旨

嘉慶九年正月直隸總督顏檢等奏豐財場竈戶灘副商民私典私租酌議量減原價勒限贖回定例竈戶灘副不準商民典買緣衆竈以曬鹽為生灘副乃其命產不使流離失業以裕生計之意今於寇蘭圃等控案查出商民租典

鹽灘九十八副。內業經回贖者十副。其餘八十八副。繫自乾隆七年起。至嘉慶六年止。已歷數十餘年。訊據各竈僉稱。俱因一時貧乏。無力自贖。又未忍荒蕪灘業。故爾典給商民。徐圖回贖。無如日漸窘迫。歸業無期。伏思竈戶失業已久。今既查出。自應照例清理。以安竈業。惟內多赤貧之戶。勢難一時取贖。且商民違例典租獲利已久。亦未便給還原價。該運使議請以典灘年分之遠近。定回贖銀數之多寡。似尚平允。其在乾隆四十年以前典租者。得利已多。應量減原價三成。按七折取贖。四十一年至六十年者。量

減原價二成。按八折取贖。嘉慶年間典租者。得利無多。量減原價一成。按九折取贖。準其先交一半價銀。將灘副收回。下欠一半價銀。分限三年。於每年九十月間歸還。先取其戶首切實保結。倘至期故意不交者。著落戶首墊賠。俟該竈措齊時歸還。如限內實不能還者。著該場大使將灘副掣回。招募殷實竈戶。將所欠三限典價。代為交清。即行勘曬。一俟本竈戶措齊典價。仍許收回管業。倘有始終無力。及孤獨無依之戶。力難勘曬者。另招有力竈戶承贖。仍令本竈立契。當堂呈交。如此分年酌減。庶衆竈不致失業。

而承典商民亦不致虧損原本洵屬兩有裨益此外有未經查出者限一月內各赴運同衙門首報亦照前議辦理倘始終隱匿並復行私租私典別經發覺即將灘副契價一併撤出入官仍各治以應得之罪至商民違例租契訊繫不知例禁并有繫租欠經手者已於寇蘭圃等控案題本內聲明準部議覆應毋庸再議謹合詞具奏經部議奏應如所奏辦理

嘉慶九年九月長蘆鹽政珠隆阿奏為遵

旨詳察商情籌議調劑恭摺奏

聞仰祈

聖鑒事切臣昨於差次叩觀

天顏仰蒙

聖恩垂詢商情臣謹將長蘆商人近年實在情形據實跪奏隨荷

聖慈著臣籌議調劑具奏伏查商人以成本為重如鹽穰繩席運脚等項即商人成本之需自嘉慶六年被水後鹽穰繩席等項費用因較前增至一倍及半倍不等即現在錢價昂貴商人以錢易銀雖有盈餘究不抵成本之賠折總計

現年賠折成本之數已及四十餘萬兩之多。惟冀從此屢獲豐年。原可於數年中籌回成本。然亦須養此商力。庶轉運得以稍紓。今查自本年。起又屆各項舊欠銀兩起限。每年除額交正雜各課銀兩外。交項驟增。當此成本賠折之時。幾覺難於調劑。茲蒙

恩諭。臣悉心籌畫。伏思長蘆。鹺務疊沐

皇仁。已屬

恩無可加。又何敢復有展緩之求。稍稽

國帑。但查每年正課雜款。帑利並山東城工兩淮歸公各項

銀兩。均須年清年款。以次清釐。若將舊欠。照依原限。並徵商力。實有未逮。所有嘉慶九十兩年。帶完緩徵五年引課銀四十二萬九千餘兩。本年應交銀二十一萬四千餘兩。此項既有分限緩徵名目。似可歸併後限項內。量為從容。今查

恩緩十五限。緩徵課餉運本銀五百四十五萬餘兩。繫自嘉慶十一年起。截至二十五年全完。如將前項緩徵銀兩。歸入此項之內。自嘉慶十年。至十八年九限。每限擬交銀二十二萬八千兩。緣此九年内。每年有帶完城工准本二項銀

十五萬五千三百餘兩。是以將緩徵歷年課餉運本等項。畧為減輕。迨至嘉慶十九年以後。城工准本二項交清。再將緩徵歷年課餉運本等項。照數添交。每限擬交銀三十萬二千八百五十餘兩。如此均勻牽平。則分限款目。既無殊異之消。而商力亦不至有急驟之累。計自嘉慶十年起。至二十八年止。掃數清完。比較原分之限。提前一年。展後三年。統計每年額交。及分限銀數。悉無前後軒輊之虞。如此籌酌辦理。則商力稍紓。即目前不敷之成本。亦得藉資轉運矣。臣由差次於初六日。回至天津。當即督同運使。

索諾木扎木楚。傳齊通網各商。宣示

恩諭。衆商等咸知感激。僉稱商等疊荷

深仁。今因成本增昂。復蒙

聖慈軫恤。酌予調劑。實商等夢想不到。益沐

皇仁無既等語。臣復加體察。繫屬實情。謹將分年分限款項數

目。另開清單。恭呈

御覽。是否可行之處。出自

聖裁。為此恭摺具奏。伏乞

皇上睿鑒

訓示遵行。謹奏。十二日奉到

硃批。另有旨。欽此。

詳

諭旨

又奏言。再查商捐參課一項。繫前鹽政徵瑞奏準。自乾隆四十八年起。通綱每年按引交銀二錢。彌補參退各商無著帑課。嗣後每視撥補之數目。定捐交之多寡。遞有增減。奏明在案。今原分十五限課餉運本銀內。有參商無著之款。繫在參課項下撥補。現經奏請自嘉慶十年起。分限完交。並計參課項下。按年撥補。無須二錢之多。應請將八九年分。商捐參課銀。每引暫減一錢。仍令捐交一錢。嘉慶

十年。各款起限。按年每引捐交銀一錢四分。足敷撥補。倘得稍有餘存。並可通融濟運。於商力更有裨益。謹附片奏

聞奉

硃批。覽。欽此。





